

爾雅正義卷第四

文淵閣校理翰林院編修加三級教習庶吉士克國史館纂修官邵晉涵撰集

釋訓第三

正義釋詁云訓道也說文云訓說教也繫傳云訓者順其意以訓之也釋文引

張揖雜字云訓者謂字有意義也詩疏云訓者道也道物之貌以告人也釋訓道形貌也案古者重語皆為形容之詞有單舉其文與重語同義者如肅肅敬也不丕大也祇言肅祇言丕亦為敬也大也有單舉其文即與重語異義者如坎坎喜也居居惡也祇言坎言居則非喜與惡矣此篇先釋重語子孫孫以下三十二句數釋詩義協於古音所以具訓於蒙士也次及連語次引詩而釋之錯舉其詞多言形體兼及用物俾諷誦者擬諸形容得古人順敘之意故自為一篇至於釋古今之異言通方俗之殊語與釋詁釋言同義

明明斤斤察也

註皆聰明鑒察

正義釋詁云察審也賈

謂之察反察為眊呂刑云明明赫赫周頌執競云明明其明皆言察也斤解云明明赫赫周頌執競云明明其明皆言察也斤與明義同漢書律歷志云斤者明也詩疏引舍人云明明言其明甚孫炎云明明性理之察也斤斤重慎之察也後漢書註引李巡云斤斤精詳之察也釋文引舍人云斤斤物精詳之察也漢書敘傳云平津斤斤後漢書吳漢傳云斤斤謹慎俱本雅訓斤斤又通作扁扁左氏襄五年傳引逸詩云我心扁扁杜註扁扁明察也

條條秩秩智也

註皆智思深長

正義釋言云哲智也賈

智反智為愚釋名云智知也無所不知也春秋繁露如天之為篇其在人者亦宜行而無留若四時之條條然也條條與秩秩義同秦風小戎云秩秩德音毛傳秩秩有知也小雅巧言云秩秩大猷毛傳秩秩進

知也條條釋文云舍人
本作攸攸沈亦音條

穆穆肅肅敬也

詒皆容儀謹敬

正義賈誼書云接遇肅
正謂之敬反敬為嫚釋

名云敬警也恒自肅警也舜典云四門穆穆大雅思
齊云肅肅在廟樂記云肅肅敬也說文云肅持事振
敬也从聿在肅
上戰戰兢兢也

諸諸便便辯也

詒皆言辭辯給

正義賈誼書云論物明
辯謂之辯反辯為訥說

文云諸辯也重言之亦為辯也小雅采芣云平平左
右釋文引韓詩作便便左右毛傳平平辯治也服虔
左傳註云平平辯治不絕之貌古者平便字通用書
云平章百姓史記引作便章百姓平秩東作史記引
作便程東作便又通作辯史記索隱引今文尚書作
辯章百姓鄭註春官馮相氏云仲春辯秩東作仲夏
辯秩南訛仲秋辯秩西成仲冬辯在朔易賈疏以為
據書傳而言今本尚書大傳唯有辯秩西成辯在朔

爾雅上事

易二語便辯以聲為義註皆言辭辯給。正義鄭註
士帥云故書別為辯凡經傳言諸者俱有辯別之意

肅肅翼翼恭也註皆恭敬
正義釋詁云恭敬也賈誼書云接遇愼容謂之恭反恭為

媒釋名云恭拱也自拱持也肅肅敬也已見上文詩
釋文引韓詩云民民翼翼文選註引韓詩云京師翼

翼孔子閒居云威儀翼翼毛傳翼翼恭敬也

靡靡優優和也註皆和樂
正義賈誼書云剛柔得道謂之和反和為乖周頌離云有

來離離樂記云離離和也商頌長發云敷政優優毛
傳用爾雅左氏成二年傳引詩作布政優優杜注成

湯布政優優和說文引作
布政憂憂憂和之行也

兢兢繩繩戒也註皆戒愼
正義賈誼書云思惡勿道謂之戒反戒為傲小雅小旻云

戰戰兢兢毛傳用爾雅周南螽斯云宜爾子孫繩繩
兮毛傳繩繩戒愼也薛瓚漢書註引爾雅繩繩戒也

應劭云謹敬更正意也
今本或作惓惓音義同

戰戰蹢蹢動也

註皆恐動趨步

正義戰戰色動也蹢蹢行動也淮南人間訓引

堯戒云戰戰慄慄小旻毛傳云戰戰恐也曲禮云士
蹢蹢鄭註引聘禮曰衆介北面鏘鏘焉今本儀禮作
衆介北面蹢蹢焉禮記釋文云蹢本又作鷁或作鏘
尚書大傳引逸詩云鷁鷁相從荀子又作鏘鏘

晏晏溫溫柔也

註皆和柔

正義後漢書註引爾雅云晏晏溫溫也和也疑舊註有溫也和也

之訓故章懷引作正文矣註又引尚書考靈耀云堯
文憲晏晏鄭註寬容覆載謂之晏今尚書作安安釋
名云安晏也晏晏然和喜無動懼也詩云溫溫恭人
小宛毛傳溫溫和柔貌抑毛傳溫溫寬柔也玉藻云
燕居告
溫溫

業業翹翹危也

註

皆縣危惴惴僬僬懼也

註

皆危懼

正義

說文云危在高而懼也懼恐也釋名云危阨阨不固之言也大雅召旻云兢兢業業幽風鴟鴞云予室翹翹小雅小宛云惴惴小心鴟鴞又云予維音嘒嘒又商頌長發云有震且業毛傳業危也是單舉其文亦為危也說文云惴憂懼也詩曰惴惴其慄嘒嘒也詩曰唯予音之嘒嘒案說文引幽風與今本字句微異莊子齊物論小恐惴惴李顥註小心貌齊策云安平君以惴惴之卽墨是惴惴為危懼也慄本作嘒

番番矯矯勇也**註**皆壯勇之貌桓桓烈烈威也**註**皆嚴

猛之貌洸洸赳赳武也**註**皆慄毅之貌

正義賈誼書云持節不恐

謂之勇反勇為怯誠動可畏謂之威反威為囹釋名云勇踴也遇敵踴躍欲擊之也威畏也可畏懼也武舞也征伐動行如物鼓舞也故樂記曰發揚蹈厲太公之志也大雅崧高云申伯番番毛傳番番勇武貌魯頌泮水云矯矯虎臣鄭箋矯矯武貌牧誓云尚桓桓周頌桓云桓桓武王鄭箋桓桓有威武之武王商

藹藹濟濟止也

註

皆賢士盛多之容止

正義

大雅文王

頌長發六相士烈烈毛傳用爾雅大雅江漢云武夫
洸洸毛傳洸洸武貌周南兔宜云赴赴武夫釋文引
爾雅云勇也說文云赴輕勁有才力也邶風谷風云
有洸有潰毛傳洸洸武也是單舉其文亦為武也廣
雅云桓桓矯矯赴赴武也是勇威武三字之訓相通
釋文引舍人云矯矯得勝之勇也洸洸本作潢潢

濟容止也蓋連引註文卷阿疏引釋訓云藹藹濟濟
止也與今本同卷阿云藹藹王多吉士毛傳藹藹猶

濟濟也文王云濟濟多士毛傳濟濟多威儀也曲禮
云大夫濟濟少儀云濟濟翔翔祭義云濟濟者容也

遠也管子形勢解濟濟者誠莊事斷也皆言容止也
註皆賢至容止也**正義**詩疏引孫炎云濟濟多士之

容止也郭註本孫炎荀子大畧篇朝廷之
美濟濟鎗鎗楊倞註亦以濟濟為多士貌

悠悠洋洋思也

註

皆憂思

正義

釋詁云悠悠思也悠悠亦
為思秦風渭陽云悠悠我思

中庸云洋洋乎如在其上鄭註人想思其傍優之貌
舊疏引邶風二子乘舟云中心養養洋養音義同

蹶蹶踏踏敏也註皆便速敏捷也正義釋名云敏閔也
進敘無否滯之言也

故汝穎言敏曰閔也唐風蟋蟀云良士蹶蹶毛傳蹶
蹶動而敏于事小雅楚茨云執轡踏踏說文云踏長

經行也

薨薨增增衆也註皆衆夥之貌正義周南螽斯云螽斯
羽薨薨兮毛傳衆多也

魯頌閔宮云烝徒增增釋文云顧舍人本薨薨作雄
雄註皆衆夥之貌正義史記云楚人謂多爲夥

烝烝遂遂作也註皆物盛興作之貌正義魯頌泮水云
烝烝皇皇鄭箋烝

烝猶進進也祭義云陶陶遂遂鄭註相隨行之貌
賈誼書客經云祭祀之客遂遂然皆言起而行也

委委佗佗美也註皆佳麗美豔之貌正義釋文云委諸
儒本並作禕舍人

引詩釋云禕禕它如山如河禕禕者心之美舍人所引鄘風君子偕老文今本作委委佗佗案委蛇韓詩作禕隋見衛尉衡方碑舍人以委作禕本於韓詩註皆佳至之貌○正義詩疏引李巡云皆容之美也孫炎云委委行之美佗佗長之美郭註與李孫義同毛傳云委委者行可委曲縱迹也佗佗者德平易也詩釋文引韓詩云德之美貌與郭註義相成也

怵怵惕惕愛也註詩云心焉惕惕韓詩以為悅人故言

愛也怵怵未詳正義說文云怵愛也釋文引李巡云怵怵和適之愛也怵本或作姺漢書

敘傳註孟康曰姺姺惕惕愛也註詩云至悅人○正義陳風防有鵲巢文毛傳惕惕猶忉忉也韓詩亡於

宋初今於他書無考

偁偁格格舉也註皆舉持物綦綦孽孽戴也註皆頭戴

物

正義說文云舉對舉也分物得增益曰戴爾爾格格者釋言云爾舉也釋詁云格陞也馬融書註云

陞猶舉也重言之義亦同周禮註引詩云約之格格言縮板之舉也秦秦孽孽者周南桃夭云其葉秦秦

毛傳秦秦至盛貌有色有德形體至盛也文選註引韓詩秦秦者我薛君云秦秦盛也衛風碩人云庶姜

孽孽毛傳孽孽盛飾是則秦秦孽孽皆言物飾之盛說文所謂分物得增益者亦言其饒盛也

慝慝媿媿安也**註**皆好人安詳之容祁祁遲遲徐也**註**

皆安徐

正義慝慝者說文引詩云慝慝夜飲今小雅湛露篇省作厭厭秦風小戎云厭厭良人毛

傳厭厭安靜也媿媿者說文云媿諦也魏風葛屨云好人提提毛傳提提安諦也孔疏引孫炎云提提行

步之安也荀子修身篇難進曰促淮南說林訓提提者射高誘註提提安也祁祁者召南采芣云被之祁

祁毛傳祁祁舒遲也遲遲者商頌長發云昭昭遲遲孔疏云居云威儀遲遲皆安徐也媿促提音義同

不不簡簡大也

註

皆多大

正義

不簡大也已見釋詁重

云簡簡降福之大也立政云以竝受此不丕基周頌執競云降福簡簡

存存萌萌在也

註

萌萌未見所出

正義

釋詁云在存也易繫辭傳云成性存

存後漢書杜篤傳云不若近而存存也萌萌當作藹藹說文云藹存也玉篇引爾雅作藹藹省作悶悶文

子上禮篇其政悶悶其民淳淳淮南引老子亦作悶悶

懋懋惛惛勉也

註

皆自勉強庸庸惛惛勞也

註

皆劬勞

也

正義

釋詁云懋勉也庸勞也說文云惛勉也重言之義同荀子大畧篇庸庸勞勞廣雅云庸庸用也

舊疏引小雅巷伯云勞人草草毛傳草草勞心也陳風月出云勞心惛兮草惛音義同

赫赫躍躍迅也

註

皆盛疾之貌

正義

釋詁云迅疾也商頌殷武云赫赫厥聲江

漢毛傳赫赫然盛也疏引孫炎云赫赫明著之迅小雅巧言云躍躍兔免釋文云赫舍人本作奭說文云奭盛也躍樊光本作濯引詩釋云濯濯厥靈

綽綽爰爰緩也註皆寬緩也悠悠偈偈丕丕簡簡存存

懋懋庸庸綽綽盡重語正義釋言云寬綽也衛風淇

小雅角弓云綽綽有裕毛傳綽綽寬也王風兔爰云有兔爰爰毛傳爰爰緩意註皆寬至重語○正義明

監本皆寬緩也四字註誤入疏脫悠悠偈偈以下十九字案釋文有重語二字舊疏亦述郭註監本郭註

多脫誤或所見非善本也今据宋本補正二十三字郭氏以悠偈不簡存懋庸綽諸訓已見釋詁釋言而

古人有重言者故舉以例其餘其未舉者可以類推

坎坎墉墉喜也註皆鼓舞懽喜正義小雅伐木云坎坎鼓我蹲蹲舞我說文云

鞞絲也舞也樂有章詩曰鞞舞我增舞也詩曰增舞我詩釋文引說文作增十舞也案說文引詩與今本毛詩字句微異坎與鞞同音蹲作增與爾雅同蓋許氏所据為古本也鄭箋為我擊鼓坎坎然為我興舞蹲蹲然謂以樂樂已足皆言喜也釋文引舍人云增增舞貌

瞿瞿休休儉也

皆良士節儉

義賈誼書云廣較自斂謂之儉反儉為侈說

文云儉約也唐風蟋蟀云良士瞿瞿又云良士休休毛傳瞿瞿然顧禮義也休休樂道之心疏引李巡云皆良士顧禮義之儉也

旭旭蹻蹻也

皆小人得志僑蹇之貌

正義釋文云旭旭郭呼老

反是郭氏讀旭旭為好好小雅巷伯云驕人好好鄭箋好好喜讒言之人也釋文又云謝許玉反則旭讀如字太元從次二云方出旭旭朋從爾醜測曰方出朋從不知所之大雅板云小子蹻蹻毛傳蹻蹻驕

貌疏引孫炎云
謂驕慢之貌

夢夢訕訕亂也

註

皆闇亂

正義

詩疏引孫炎云夢夢昏之亂也釋文引顧野王云

夢夢訕訕煩懣亂也小雅正月云視天夢夢釋文云
亂也韓詩云惡貌也大雅抑云視爾夢夢毛傳用爾
雅荀子哀公篇繆繆怵怵其事不可循楊倞註怵與
肫同雜亂之貌楚詞九章云中悶替之怵怵賈誼書
先醒篇不知治亂存亡之所由怵怵然猶醉也抑又
云誨爾諄諄中庸鄭註引作怵怵說文云諄告曉之
孰也怵怵訕訕
諄音義同

爆爆邈邈悶也

註

皆煩悶

正義

說文云悶懣也懣煩也
玉篇云爆煩悶也釋文云本

又作暑顏師古漢書註謂痛切而叫呼也邈邈通作
藐藐大雅抑云聽我藐藐毛傳藐藐然不入也疏引
舍人云藐
藐憂悶也

僂僂洄洄惛也

註皆迷惛

正義說文云惛不憭也僂惛也釋文引郭氏音義云洄本

或作幘案說文引爾雅云襠襠襠疑即僂僂洄洄之異文襠通作惛太元疑初一云疑惛惛失貞矢註云執志不固惛惛從人故失正見之道也積通作潰大雅召旻云潰潰回適毛傳潰潰亂也

版版盪盪僻也

註皆衰僻

正義詩疏引李巡云版版失道之僻也盪盪者弗思之僻

也孫炎云盪盪法度廢壞之僻大雅板云上帝板板毛傳板板反也鄭箋王為政反先王與天之道盪云盪盪上帝詩序天下盪盪無綱紀文章鄭箋盪盪法度廢壞之貌詩疏盪盪是廣平之名非善惡之稱論語云盪盪乎民無能名焉洪範云王道盪盪言其無復惡事序言盪盪無綱紀文章言其除去善事案孔疏分析訓義與此篇斷章釋詩之義相合此篇如惕惕愛也太元之逃云心惕惕則非愛也瞿瞿儉也檀弓云瞿瞿焉如有求而弗得玉藻云視容瞿瞿則非儉也旭旭僛也賈誼書修政語旭旭然如日之始出

則非僑也邈邈悶也離騷云神高馳之邈邈則非悶也訓有旁通義有分屬各見指歸無庸皮傳此篇多釋詩文故郭氏專據詩傳為義

熾熾炎炎熏也

註

皆旱熱熏炙人

正義

大雅雲漢云藟

炎此釋之也毛傳蟲蟲而熱炎炎熱氣也蟲蟲釋文引韓詩作炯炯說文云炯光也炎火光上也炎炎通作醺醺洛誥云無若火始醺醺六韜云熒熒不救炎炎奈何

居居究究惡也

註

皆相憎惡

正義

唐風羔裘云自我人

釋之也毛傳居居懷惡不相親比之貌究究猶居居也疏引李巡云居居不狎習之惡孫炎云窮極人之惡王逸楚詞章句究究不止貌也與孫炎之義相通

仇仇敖敖傲也

註

皆傲慢賢者

正義

敖傲也已見釋言小雅正月云執我仇仇